

Jeftinije do prvog stana ili kuće

Mladima koji prvi put rješavaju stambeno pitanje Općina Novi Grad finansiraće dio kamatne stope

Piše: JASMINA MALIŠEVIĆ

Općina Novi Grad i ove će godine sufinansirati dio kamatne stope stambenih kredita mladima koji prvi put rješavaju stambeno pitanje.

Ugovor o saradnji na realizaciji ovog projekta potpisali su Adisa Šuman, pomoćnica načelnika Općine Novi Grad za obrazovanje, kulturu i sport, i predstavnici uprave ASA banke d. d. Sarajevo Aldijana Rakić i Hasan Hasić.

Nekretnina

Ove godine je naš partner ASA banka, koja je odabrana po javnom pozivu koji je raspisan u aprilu ove godine. Radi se o sufinansiranju kreditne stope za stambene kredite za mlade koji prvi put rješavaju stambeno pitanje. Aplikanti za kreditnu liniju mogu biti mladi do 40 godina koji nisu riješili stambeno pitanje. Maksimalan iznos kredita je 220.000 KM sa periodom otplate do 20 godina. Aplikanti moraju biti iz Novog Grada i kupiti nekretninu u općini Novi Grad, i da su prijavljeni tri godine na području općine. Banka će vrlo brzo raspisati javni poziv koji će biti otvoren mjesec, kazala je Šuman.

Članica uprave ASA banke za prodaju i podršku Aldijana Rakić navela je da je ovo prilika da se na neki način utiče na ostanak mladih u našoj zemlji, tako što su im omogućene povoljne kreditne linije za kupovinu stana ili kuće, kao i rokove otplate kredita.

Općina Novi Grad subvencionira kamatnu stopu do tri posto do pet godina otplate kredita. ASA banka



Vrlo brzo će biti raspisan javni poziv

će omogućiti kvalitetnu infrastrukturu, broj poslovnica i uposlenika koji će na efikasan i brz način odgovoriti realizaciji kredita. Raspisat će se javni poziv i izvršiti odabir klijenata koji apliciraju. Fokus je na mladima od 35 do 40 godina, rekla je Rakić.

Klijenti

Navodeći primjer klijenta koji podigne 150.000 KM kreditnih sredstava, do 20 godina, Rakić je pojasnila da u tom slučaju Općina subvencionira iznos kamata do 20.700 KM, a da ukupan iznos kamata za taj kredit iznosi oko 33.000 KM, što znači da značajan iznos kamatnih stopa finansira Općina Novi Grad.

Aplikanti mogu biti mladi do 40 godina koji nisu riješili stambeno pitanje, a maksimalan iznos kredita je 220.000 KM

- Pozivam sve naše mlade kojih je najviše u općini Novi Grad, da iskoriste ovu priliku i da se prijave na javni poziv i realizuju ovu kreditnu liniju. Ova kreditna linija nije namijenjena samo za kupovinu već izgrađenih objekata, nego i za novogradnju, tako da mladi mogu aplicirati za sve objekte koji se sada grade u općini Novi Grad, naglasila je Rakić.



Radi se o 15 poslovnih prostora

Općina Stari Grad u zakup nudi poslovne prostore

Ova lokalna zajednica traži kandidata za poziciju zamjenika pravobranioca za zastupanje interesa Općine

Općina Stari Grad otvorila je mogućnosti za građane i poslovne subjekte kroz inicijativu koja uključuje dodjelu u zakup 15 poslovnih prostora. Ovi prostori, smješteni u različitim dijelovima općine, nude priliku za pokretanje i širenje poslovnih aktivnosti, doprinoseći tako lokalnom razvoju i ekonomskoj stabilnosti.

Osim toga, Općina Stari Grad traži kandidata za poziciju zamje-

nika pravobranioca. Ova važna funkcija zahtijeva pravnu stručnost i odgovornost u pružanju pravnih savjeta i zastupanju interesa općine.

- Za dodatne informacije o namjenu poslovnih prostora i prijavi za poziciju zamjenika pravobranioca posjetite službenu web stranicu Općine Stari Grad, naveli su iz ove lokalne zajednice.

Upisni rok za prvačice



U pet osnovnih škola u općini Vogošća od jučer je počeo drugi upisni rok za prvačice. Svi koji nisu stigli upisati svoje dijete u prvi razred osnovne škole u prvom roku, to mogu učiniti do kraja augusta. Školskim obveznikom smatra se dijete koje je do 1. marta tekuće godine navršilo pet i po godina. Roditelji moraju dostaviti u školu rodni list djeteta, uvjerenje o pohađanju obaveznog predškolskog obrazovanja, prijavu iz CIPS-a i ljekarsko uvjerenje, ne starije od šest mjeseci.

Dispanzeri će raditi i nedjeljom

Od 4. augusta nedjeljom i praznicima dječiji dispanzeri pružat će zdravstvene usluge u OJ Dom zdravlja Novi Grad



Odluka je na snazi do daljnjeg

Dispanzeri za predškolsku djecu u JU Dom zdravlja KS-a od 4. augusta nedjeljom i praznicima pružat će zdravstvene usluge u OJ Dom zdravlja Novi Grad, u dvosmjenskim dežurama od 8 do 18 sati.

Na ovaj način JU Dom zdravlja KS-a želi optimizirati pružanje usluge Dispanzera za predškolsku djecu naročito ljeti. Centraliziranim pružanjem zdravstvenih usluga, nedjeljom i praznicima u OJ Dom zdravlja Novi Grad biće poboljšana dinamika rada ove službe u okviru redovnog radnog vremena koji se odnosi na druge radne dane u sedmici.

Reorganizacija rada Dispanzera za predškolsku djecu na snazi je do daljnjeg, a realizovana je nakon dobijene saglasnosti od Ministarstva zdravstva KS-a.

Važniji telefoni u KS-u

Brojevi u domovima zdravlja su: OJ DZ Stari Grad 033 278-624, 060 328 04 54, OJ DZ Centar 060 328 02 17, OJ DZ Novo Sarajevo 061 165 219, OJ DZ Novi Grad 033 704 937, 062 274 217, OJ DZ Ilidža 033 623 416 lok. 217, 033 626 859, OJ DZ Hadžići 033 580 360, 033 421 247, OJ DZ Vogošća 033 432 518, OJ DZ Ilijaš 033 584 350, 033 584 352 i OJ DZ Trnovo 033 439 047 • Higijensko-epidemiološka služba JU Dom zdravlja KS-a 033 623-416 lok. 220 • MUP 122, 206-666, 207-777 • Vatrogasci 123, 664-115 • Hitna pomoć 124, 611-111 • Pomoć ovisnicima 062/761-415 • Porodično savjetovalište 209-112 • Nasilje u porodici 1209, 222-000, 223-366 • Klinički centar 297-000 • Opća bolnica 285-100 • Bolnica Podhrastovi 297-281 • Veterinarska stanica 767-025 • Telefonski brojevi 1182 • Elektrodistribucija 080 02 01 29 • Vodovod 210-707, 220-435 • Kanalizacija 203-059 • Toplane 650-979 • Sarajevostan 715-680 • KJKP Rad 658-038 • Eko telefon 660-000 • Tačno vrijeme 125 • Štab CZ KS 121, 472-636, 443-720 • Dimnjačar 666-638, 061/150-471 • Sarajevogas 592-095, 061/487-787 • Gras 293-333 • Velepekara 648-505 • Bakijske 533-763 • Pokop 551-370, 664-686 i 063/999-968 • Jedileri 033 712-800 • Pogrebne usluge Martinović 061 191-010 • Uprava za inspeksijske poslove KS 770-156 • Aerodrom Sarajevo 289-100 • BIHAMK 1282 • BH Telecom 1444 • Međunarodni telefonski brojevi 1183 • CENTROTRANS 770-100